

SHWBIZ KLIP

BON DIA

Aruba

“Grupo di Betico”, ta batisa DVD / CD titula “Concierto di Alegria”, esaki ta loke tanto nos tur tabata spera

Awe diabierna na Paseo Herencia, Grupo di Betico lo ta lansando riba mercado nan produccion en bibo yama “Concierto Di Alegria”. Un concierto c’un duracion



di mas of menos un ora y 20 minut cu a wordo graba y filma en bibo durante e celebracion di 40 aña di existencia di Grupo di Betico n’e anfiteatro di Paseo Herencia. E DVD / CD “Live” ta contene tur e exitonan clasico cu Grupo di Betico cu nan a sa di deleita nos comunidad y Arubianonan residencia na Hulanda durante nan carera musical di 40 aña.

Un fiesta di ambiente total for di inicio te fin, filma riba un escenario espectacular cu efectonan di lus, huma, awa y candela. Cu cancionnan inmortal manera entre otro Alegria, Nos kier ta mey mey, Faya bo haya, Holgorio, Celebracion, Ban Celebre y Festehe, Dugudushi, Te ora solo Sali, Le La La Wo, Contento, Paranda Arubiano y nos Dande captura cu e imagen digital y un sonido “surround” cu ta haci e produccion nobo aki di Grupo di Betico un experiencia inolvidabel cu merece di tin den bo coleccion. Como un extra-bonus por

mira riba e DVD e publico gozando di e anochi asina special plus e integrantenan di Grupo di Betico ta conta di nan experiencia durante e 40 añanan di existencia di e grupo musical cu ta bin di un famia tipico Arubiano. Fanatico y e publico di Aruba en general ta keda cordialmente invita pa yega cu tur confianza na Paseo Herencia awe diabierna awo pa ta parti di e lansamento oficial di e tremendo produccion en bibo di Grupo di Betico titula “Concierto di Alegria”. E actividad lo cuminsa pa 8’or di anochi c’un presentacion di Grupo di Betico despues lo sigui te den oranan lat cu otro actividadnan di Paseo Herencia, entre otro Paseo Herencia ta inicia su temporada di “fin di aña”, sendiendo su lusnan, presencia

e show di syncro y hopi mas. Un invitacion cordial ta bai na tur esnan cu tabata presente dia 25 di october di aña pasa fecha cu e DVD a wordo graba pa nan ta presente.

Bin busca bo DVD – CD, awenochi anochi na un prijs special, porcierto Grupo di Betico lo anuncia mas premio cu nan tin p’e fanatico y esnan cu cumpra e DVD - CD.

